

ՀՀ տարածքային կառավարման և զարգացման նախարարի տեղակալ


Հակոբ Վարդանյանին

Հարգելի՛ պարոն Վարդանյան,

Ձեր ուշադրությանն ենք ներկայացնում ԵՎՐՈՊԱԿԱՆ ՄԻՈՒԹՅԱՆ ՖԻՆԱՆՍԱԿԱՆ ԱԶԱԿՑՈՒԹՅԱՄԲ ԻՐԱԿԱՆԱՑՎՈՂ «ԿԱՌՈՒՅՈՂԱԿԱՆ ԵՐԿԽՈՍՈՒԹՅԱՆ ՀԱՆՁՆԱՌԱՌՈՒԹՅՈՒՆ» ԾՐԱԳՐԻ շրջանակներում տրամադրված ենթադրամաշնորհների շրջանակներում ստեղծված, Հայաստանի ՔՀԿ-ների կոալիցիաների կառուցողական երկխոսության ցանցի անդամ «Հայաստանի կայուն և թափանցիկ էներգետիկ զարգացմանն ուղղված» ՔՀԿ կոալիցիայի՝ սույն թվականի հունիսի 12-ին ՀՀ էներգետիկ ենթակառուցվածքների և բնական պաշարների նախարարությունում կազմակերպված ՄԺԾՕ հայտերի քննարկման մասնակցության արդյունքում կազմած դիտարկումները:

ՀՀ էներգետիկ ենթակառուցվածքների և բնական պաշարների նախարարության ՄԺԾՕ նյութերով առցանց նյութերի հղումը չէր աշխատում: Ներկայացված ՄԺԾՕ հայտը լույս արտահայտում էր նախարարության ապարատի պահպանման և միջազգային վարկային ծրագրերով նախատեսված ծախսերը: Իսկ ծրագրային առումով ս/թ փետրվարին հաստատված Կառավարության զարգացման ծրագրից և համապատասխան գործողությունների պլանից բխող հիմնարար միջոցառումների համար գումարներ հատկացված չէր: Օրինակ՝ շուրջ 1 մլրդ դրամ նախատեսված էր արևային համակարգերի ֆինանսավորման համար, այն դեպքում, որ այս ոլորտում սահմանված թիրախային չափանիշներին հասնելու համար ՀՀ կառավարությունը բոլոր կարգավորումները տրամադրել է օրենսդրական-կարգավորման դաշտի խթաններով, ստեղծել է շուկայական միջավայր, որում ներկայումս բարգավաճում է մասնավոր բիզնեսը: Այս ուղղությամբ պետ.բյոջեից միջոցների հատկացումը առնվազն անհիմն է: Իսկ ոլորտային ծրագրերի մշակման և մշտադիտարկման կարևորագույն խնդիրների համար միջոցներ նախատեսված չեն, մասնավորապես՝ էներգետիկ հաշվեկշռի մշակման, երկրորդ էներգախնայողության գործողությունների ծրագրի մշտադիտարկման (2017-18թթ.) և երրորդ ԷԳԾ (2019-20թթ.) մշակման համար:

Ընդհանուր դիտարկումներ քննարկման հետ կապված՝



1. Նախարարությունում տեղի ունեցած քննարկումը չուներ կառուցողական բնույթ, քանի որ
 - քննարկման կողմերը չունեին ընդհանուր ֆոնային և մասնագիտական գիտելիքներ:
 - գերատեսչության կողմից հիմնականում ներկա էին աշխատակազմի ոչ տեխնիկական մասնագետներ, ֆինանսիստներ, հաշվապահներ, և այլն, որոնք պատրաստ չէին պատասխանելու մասնագիտական հարցերի, ոլորտային քաղաքականության կամ ծրագրային զարգացումներին:
 - Գերատեսչության կողմից բազմիցս հնչեցվեց կարծիք, որ ՄԺԾԾ հայտերը արդեն ներկայացված են և այլևս փոփոխության ենթակա չեն:
 - Չէր վարվում արձանագրություն, քննարկում կրում էր զուտ ձևական բնույթ:
2. Երկու-երեք օր շատ հատկացված հսկայածավալ և խիստ մասնագիտական տվյալների վերլուծության համար տրամադրված ժամանակը բավականին սահմանափակ էր: Հաշվի առնելով հունիս ամսվա ընթացքում նմանատիպ ՄԺԾԾ հայտերի տարերային ծավալը ավելի քան տասնյակ ոլորտային կառույցներից, որոնք էներգետիկայի, բնապահպանության և համայնքային զարգացման ոլորտներին առնչվում էին, ՔՀԿ կոալիցիան ուներ մարդկային ռեսուրսի մեծ պակաս:
3. Կարիք կար՝ կոալիցիայից նախապես մեկ կամ երկու անդամ խորապես վերապատրաստվեր, նման տվյալներ վերլուծելու և ծանրակշիռ կարծիք կամ առաջարկություն ներկայացնելու համար:
4. Հաջորդ ՄԺԾԾ քննարկումների ժամանակ առավել շատ ժամանակ ունենալ՝ խորապես վերապատրաստվելու և «թվերով զինելու», ինչպես նաև գերատեսչության կողմից վաղօրոք ներկայացնել բյուջեների պատմողական հավելված/ուղեցույց:

Հ.Գ. Այդ ամբողջ ժամանակահատվածը խիստ անբարենպաստ էր նման գործընթացին ժամանակ և ռեսուրս տրամադրելու համար, քանի որ բոլորը քաջ տեղյակ են, որ կոալիցիաները/ծրագրերը գտնվում են ավարտական և հաշվետվողական փուլում, որը գերծանրաբեռնվածություն է առաջացնում: Իսկ ռեսուրսների սակավություն ունեցող կազմակերպություններում այդ խնդիրը դարձավ մարտահրավեր:

Հարգանքներով՝

Հայաստանի կայուն և թափանցիկ էներգետիկ զարգացմանն ուղղված ՔՀԿ-ների կոալիցիա